

BISNIS I IMPOTEN TUMAS LONG DISASTA RIKAVARI

Ol komuniti oli strong olsem ol bisnis blong olgeta nomo.

Olsem risej i soem, risiliens blong wan oganaesesen mo komuniti oli konekt tugeta. Sapos ol oganaesesen mo bisnis oli no pripea blong rispon long ol imejensi, bae ol komuniti tu oli no pripea.²




Ol smol mo midiyum-saes bisnis oli no bakbun blong plante ikonomi long wol nomo, be plante taem oli ol faondesin blong ol ikonomi ya tu. Long UK mo long US, 99% blong ol bisnis oli ol smol bisnis. Long ol kaontri blong Pasifik, ol smol bisnis mo ol infomol maekro-bisnis oli plante, mo oli kontribut bigwan long ikonomi from oli givim wok mo provaedem sevis. Ol maekro, smol mo midiyum-saes bisnis olsem, oli bildimap faenansol mo sosol laef blong ol komuniti mo komuniti tu i givhan blong bildimap ol bisnis ya.

Ol statistik oli soem olsem wanem praevet sekta long Pasifik hemi afekt big wan long taem blong disasta mo hemia hemi afektem ol komuniti mo ol lokol ikonomi.

78%

Praevet sekta damej mo los long Fiji afta long Tropikol Saeklon Winston. Hemia hemi bitim damej mo los we Pablik sekta i kasem, mekem se praevet sekta damej mo los i kasem araon FJ \$ 1.5 Bilon.³




(US\$ 449.4 MILION)

Totol damej bil we Tropikol Saeklon Pam i kosem long Vanuatu long 2015.⁴



YU SAVE SE...

1 long 4 bisnis oli no stanap bakegen afta long wan disasta.¹ I gat wan wei we i save mekem sua se bisnis blong yu i open oltaem nomata i gat disasta o had taem:



Krietem wan Bisnis Kontinuiti Plan (BKP) mo putum long aksen.

Sapos yu nogat wan BKP yet o yu no sua se wanem ya, daonlodem BKP Templet mo krietem wan blong yu taem yu yusum wan 12-step gaed wea yu save komplitim lo 12 minit nomo. Visitim pipsso.org.fj/stayopen

**RIDUSIM RISK, REDI
OLTAEM, RISPON STRET
MO RIKAVA KWIK AFTA
LONG WAN DISASTA**

BLONG MOA INFO

MEKEM BISNIS BLONG YU I DISASTA-REDI

PIPSO.ORG.FJ/STAYOPEN



(US\$ 0.9 BILION)

Estimet damej bil we i kamaot long Tropikol Saeklon Winston long Fiji. Data i soem se praevet sekta i kasem 78 pasent blong ol total damej mo los we Tropikol Saeklon Winston i kosem.⁵



50%

Hemia hemi impak we Saeklon Evan i kosem long praevet sekta blong Samoa we i afektem prodktif, sosol mo infrastrakja we i total hemi SAT 209,680.30.⁶



Yumi moa gud taem yumi kam tugeta

Yumi save gud se taem pipol i wok tugeta from wan samting, bae hemi save sakses. Hemia i minim sem samting taem yumi putum I go long ol patnasip long pablik/ praevet sekta blong mekem komuniti pripeanes mo disasta rikaveri.

Pablik mo praevet sekta oli save kombaenem ol risos mo ekspetis blong komuniti i save rispon kwik long taem blong disasta rikaveri. Kwaliti blong kaen rilesensip ya hemi stamba blong mekem wan komuniti i kam bak bakegen afta long wan disasta.

Sapos yu pat blong wan bisnis kaonsel o netwok long kaontri blong yu mo i gat nid blong i gat moa strong wok-tugeta mo patnasip bitwin pablik mo praevet sekta, bae i gud sapos yu invaetem ol stret memba blong pablik sekta blong stat storian blong wok tugeta. Rid i go daon blong faenem sam wei blong folem:

- Arenjem ol miting blong evriwan i save sidaon mo diskas. Yu save presentem vidio ya "Bisnis i Impoten long Disasta Rikaveri" we i stap long websaet pipso.org.fj/stayopen
- Invaetem olgeta i kam olsem ol spika blong givim toktok long ol bisnis kaonsel miting.
- Oganaesem wan Risliens Aweanes Wik mo invaetem ol memba blong pablik mo praevet sekta.

Endnotes:

- ¹ Civil Defence Wellington Region Emergency Management Office. (2017). Retrieved February 24, 2017, from Wellington Region Emergency Management website, <http://www.getprepared.org.nz/>
- ² National Research Council. 2011. Building Community Disaster Resilience Through Private-Public Collaboration. Washington, DC: The National Academies Press. Retrieved 3 April, 2017 from The National Academies Press <http://bit.ly/2nxUvby>
- ³ Fiji Government. (2016, May). Post-Disaster Needs Assessment: Tropical Cyclone Winston. Retrieved February 24, 2017, from Relief Web International, <http://bit.ly/2kSlhPH>
- ⁴ Government of Vanuatu. (March, 2015). Post-Disaster Needs Assessment: Tropical Cyclone Pam. Retrieved from Pacific Disaster Net <http://bit.ly/2mqPeCJ>
- ⁵ Fiji Government. (2016, May). Post-Disaster Needs Assessment.
- ⁶ Government of Samoa. (March 2013). Post-Disaster Needs Assessment Cyclone Evan 2012. Retrieved 24 February, 2017 from Pacific Disaster Net <http://bit.ly/2lxjrCm>

© Pacific Community (SPC) 2017

All rights for commercial/for-profit reproduction or translation, in any form, reserved. SPC authorises the partial reproduction or translation of this material for scientific, educational or research purposes, provided that SPC and the source document are properly acknowledged. Permission to reproduce the document and/or translate in whole, in any form, whether for commercial/for profit or non-profit purposes, must be requested in writing. Original SPC artwork may not be altered or separately published without permission.

Tangk yu i go long ol fanding mo infomesen patna

Wan spesel tangk yu



BLONG MOA INFO

MEKEM BISNIS BLONG YU I DISASTA-REDI

PIPSO.ORG.FJ/STAYOPEN